

Bosna i Hercegovina
Federacija BiH
Kanton Sarajevo-Općina Ilijaš
Javna ustanova Osnovna Škola „Podlugovi“ Podlugovi
Ul. Žrtava genocida u Srebrenici 212
Tel/fax: 033 401 017, 401 359
e-mail: skola.podlugovi@gmail.com

Broj: 01-1- 387/24

Datum: 18.03.2024. godine

-ŠKOLSKI ODBOR-

Na osnovu člana 94. Zakona o osnovnom odgoju i obrazovanju ("Službene novine Kantona Sarajevo", broj: 23/17, 33/17, 30/19, 34/20, i 33/21), člana 8. Kolektivnog ugovora o izmjenama Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“ broj: 7/24), a u vezi sa članom 173. Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“ broj: 24/22 i 40/22), člana 91. Pravila JU Osnovne škole "Podlugovi" u Podlugovima, Školski odbor na 37. redovnoj sjednici održanoj dana 18.03.2024. godine, d o n i o j e

ODLUKU

O izmjeni Pravilnika o radu i plaćama Osnovne škole „Podlugovi“ u Podlugovima

Član 1.

1) U Pravilniku o radu i plaćama JU OŠ „Podlugovi“, broj: 01-978/22 od 30.06.2022. godine i Pravilniku o izmjenama Pravilnika o radu i plaćama JU OŠ „Podlugovi“, broj: 03-1438-02/22 od 21.10.2022.godine – u daljem tekstu Pravilnik, u članu 15. (Pomoćnik direktora ili voditelj dijela nastavnog procesa i sekretar škole) iza stava (4) dodaju se novi stavovi (5), (6), (7), (8), (9), (10), (11) i (12) i glase:

„(5) Radnik koji je imenovan na funkciju pomoćnika direktora i ima ugovor o radu na neodređeno vrijeme u ustanovi, na njegov će zahtjev ugovor o radu mirovati do prestanka mandata.

(6) Zahtjev iz prethodnog stava ovog člana pomoćnik direktora podnosi školskom odboru u roku od 30 dana od imenovanja na funkciju pomoćnika direktora.

(7) U slučaju da je pomoćnik direktora imenovan na navedenu funkciju sa nepunim radnim vremenom, školski odbor obavezuje direktora da sa imenovanim zaključi Ugovor o radu na određeno vrijeme za poslove za koje ima zaključen osnovni ugovor za preostali dio radnog vremena.

(8) Predsjednik školskog odbora, nakon donošenja Odluke o imenovanju pomoćnika direktora i Odluke o mirovanju prava i obaveza iz radnog odnosa za pomoćnika direktora, zaključuje ugovor o radu sa imenovanim za obavljanje poslova pomoćnika direktora na period naveden u Odluci o imenovanju.

(9) Radnik iz stava (5) ovog člana ima pravo vratiti se na rad u ustanovu u kojoj je prethodno radio, ako podnese pisani zahtjev za povratak na te poslove u roku od 30 dana od dana prestanka obavljanja poslova pomoćnika direktora, u protivnom mu prestaje radni odnos.

(10) Ako je za sticanje određenih prava važno prethodno trajanje radnog odnosa sa ustanovom, radniku iz stava (5) ovog člana, nakon povratka na rad, period mirovanja ugovora o radu ubraja se u neprekinuto trajanje radnog odnosa.

(11) Radnika iz stava (5) ovog člana do povratka na poslove za koje mu ugovor o radu miruje zamjenjuju lica u radnom odnosu koji se zasniva isključivo na određeno vrijeme.

(12) Školski odbor može razriješiti dužnosti pomoćnika direktora, a na prijedlog direktora ustanove i prije isteka mandata."

Dotadašnji stavovi (5) i (6) postaju (13) i (14)

2) U članu 34. (Napredovanje radnika) Pravilnika dodaju se novi stavovi (10) i (11) i glase:

„ (10) Dio plaće koji pripada radniku koji obavlja tehničke i pomoćno-tehničke poslove u ustanovi (domar, ložač, noćni čuvar, dnevni čuvar, domar/ložač/dnevni čuvar, spremačica) po osnovu ocjene rada utvrđuje se kako slijedi:

a) za ocjenu "izuzetno uspješan" 5% od osnovne plaće,

b) za ocjenu "uspješan" 2% od osnovne plaće.

(11) Procenat na ime ocjene rada iz stava (10) ovog člana pripada radniku iz stava (10) na šestomjesečnom nivou, nakon šestomjesečnog praćenja rada radnika do sljedećeg ocjenjivanja.“

3) Član 130. (Otpremnina za odlazak u penziju) Pravilnika stav (1) mijenja se i glasi:

"(1) Radnik ima pravo na otpremninu prilikom odlaska u penziju u visini svojih šest ostvarenih prosječnih neto plaća isplaćenih u prethodnih pet mjeseci ili šest prosječnih mjesečnih neto plaća isplaćenih u Federaciji Bosne i Hercegovine prema posljednjem objavljenom podatku Federalnog zavoda za statistiku, ako je to za njega povoljnije."

Član 2.

Odluka stupa na snagu danom donošenja.

Predsjednika Školskog odbora

Dervišević Muamer

Dostavljeno:

-Oglasna ploča škole

-Predsjednik Školskog odbora

-a/a